



partii naleraq

Nuuk 29. oktober 2018
UKA2018/47
Hans Enoksen Partii Naleraq

Nappaatit suut napparsimasut sivikitsumik piffissamiluunniit aalajangersimasumik sivilissusiligaanngitsumi Danmarkiliarlutik katsorsartikkiartortariaqalertanerannik kinguneqartarnersut pillugit Naalackersuisut UPA2019-mi nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi aningaasatigut nakorsaanikkullu periarfissat suut ungasinnerusoq isigalugu napparsimasunik Danmarkimut katsorsartikkiartortunik ikilisitsisinnaasut ilanngunneqassapput.
(Inatsisartunut ilaasortaq Aqqaluaq B. Egede, Inuit Ataqtigiit)

Inatsisartunut ilaasortaq Aqqaluaq B. Egede Inuit Ataqtigiit siunnersuuteqarpoq aalajangiiffigisassamik napparsimasut Danmarkiliarlutik katsorsartikkiartortartut pillugit, aammalu Danmarkimut katsorsartikkiartortartut qanoq iliornikkut ikilisinneqarsinnaaneratt pillugu nassuiaammik Naalackersuisut saqqummiusseqqullugit tamannalu oqaaseqarfissavarput.

Nunatsinni peqqinnissaqarfik ulluinnarni inuunermut sunniuteqartorujussuusoq tamatta ilisimavarput napparsimagutta napparsimangikkutaluunniit taamaattumik peqqinnissaqarfiup sutigut tamatigut kiffartuussilluarnissaa neriutiginarpuummat. Tassami tamatta ilisimangilarput ullormiit ullormut qanoq inuunitsinni pisoqarsinnaasarnera.

Ukiuni makkunani nappaatit ilaasa nunatsinni annertusiartuinnarmik amerliartorneratt soorunami tamatsinnut toqqissisimanangilaq tamakkualu eqqarsaatigissagaanni taava suut pissutaanersut qulaajaqqissaarlugit misissuisoqarnissaa assut kissaatiginarmat.

Nappaatit qaqutigoortut inunnik ikittunik atorveqartut eqqarsaatigissagaanni soorunami sapinngisamik inunnut nappaammik eqqorneqarsimasut ajunnginnerpaamik misigisimatillugit katsorsarneqartarnissaat kissaatigissallugu pissusissamisoortutut isigaarput.

Ajornangippallu tamarmik nunatsinni katsorneqartarnissaat kissaatiginarluinnaraluarpoq tamannali ilaatigut angujuminaassinnaasoq peqqinnissarfiup piginnaasaasigut killeqarsinnaasarmat paasinarpoq. Tassami nakorsat immikkut ilisimasallit ajoraluartumik taamaasa piginngikkigut assut killeqartitsisarmat tamannalu napparsimasut katsorneqartarnissaanut aamma killiliisuusarmat soorunami tamanna ajuusarnaraluaqaaq pisinnaasallit nakorsat amigaataaneratt annertunerpaamik pissuteqartarmat.

Peqqinnissaqarfimmi ilaatigut pisinnaasat killeqarsinnaasarnerat nassuerutigisariaqarparput pingaartumik sulisussat ilaatigut aamma sinerissami amigaataasarneri katsorsaaniarnermut

sunniuteqartarmat ilaatigullu napparsimasunut ilaanni ilungersunartumik inissisimatitsilerlutik neriunniartali siunissami nappasimasunut katsorsaasarnerit pitsaanerulerumaartut.

Taamatut oqaaseqarluta Naalakkersuisut allanngutissatut siunnersutaat taperserparput tassalu UKA 2019-mut nassuiaammik saqqummiussaqaarnissaat.